

Dr M tidak hina institusi beraja, kata DPP
MalaysiaKini.com
24 Ogos, 2012
Oleh Koh Jun Lin

Mantan Perdana Menteri Tun Dr Mahathir Mohamad tidak menyatakan apa-apa perkara menghasut ketika perdebatan mengenai pindaan perlembagaan 1993, kata pendakwa dalam perbicaraan kes hasutan ke atas MP Bukit Gelugor Karpal Singh hari ini.

Timbalan pendakwa raya Noorin Badaruddin berkata, Mahathir malah mempertahankan institusi raja dalam perdebatan tersebut.

Katanya, Mahathir menubuhkan Mahkamah Khas Raja-Raja untuk membicarakan kes melibatkan anggota keluarga Istana.

"Mahathir tidak mempersoalkan (sistem) raja berperlembagaan, tetapi beliau mempertahankannya," kata Noorin.

Beliau membantah permohonan Karpal untuk mengemukakan sepina ke atas Mahathir dan beberapa orang lagi supaya hadir ke mahkamah sebagai saksi dalam perbicaraan tersebut, dengan alasan mereka bukan saksi material.

Copyright © 1999-2012 Mkini Dotcom Sdn. Bhd
Source: <http://www.malaysiakini.com/news/207042>